

Broj: 01-1-139-4/2019

Datum: 11.10.2019.

Na temelju člana 64. stav (1) tačka b), člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 01-1-139-3/2019 od 11.10.2019. godine, u postupku javne nabavke mrkog uglja, direktorica J.U. Opća bolnica Konjic je donijela

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javne nabavke, broj: 01-1-139-3/2019 od 10.10.2019. godine i ugovor za javnu nabavku mrkog uglja, dodjeljuje se ponuđaču **MILJEVINA d.o.o. Foča, za ponuđenu cijenu 19.350,00 KM, bez PDV-a**, kao najbolje ocijenjenom ponuđaču.

Član 2.

Prijedlog ugovora o javnoj nabavci dostavit će se na potpis izabranom ponuđaču MILJEVINA d.o.o. Foča, po proteku roka od 5 (pet) dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje pravna služba J.U. Opća bolnica Konjic.

Član 4.

Ova odluka objavit će se na web-stranici www.bolnicakonjic.com, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-1-137/2019. od 27.09.2019. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 30.000,00 KM.

Obaviještenje o nabavci broj: 11089-7-1-18-3-15/19 poslato je na objavu dana 03.10.2019. godine, a objavljena je na Portalu javnih nabavki dana 03.10.2019. godine.

Sa portala Agencije za javne nabavke, dokumentaciju su preuzeli slijedeći učesnici:

- **BBS Europe d.o.o.**
- **Ekapija d.o.o.**
- **NRMU "MILJEVINA" d.o.o.**
- **HARMELI d.o.o.**

Komisija za javnu nabavku imenovana je Odlukom broj: **01-01/2019 od 09.01.2019. godine.**

Komisija za javnu nabavku dostavila je dana 11.10.2019. godine izvještaj o ocjeni ponuda i Preporuku o izboru najpovoljnijeg ponuđača broj: **01-1-139-3/2019 od 11.10.2019. godine**, u postupku javne nabavke **mrkog uglja**.

Komisija za javnu nabavku je blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2,
- da su blagovremeno zaprimljene sve ponude,
- da nema neblagovremeno zaprimljenih ponuda,
- da je ponuda ponuđača HARMELI d.o.o. Banovići odbijena, jer nije upakovana u skladu sa tačkom 4. Tenderske dokumentacije.
- **da je ponuda ponuđača NRMU "MILJEVINA" d.o.o. Foča prihvatljiva i bodovanjem ponude je osvojila 100,00 bodova.**

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog tijela / Uprava Društva nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, i tenderskom dokumentacijom. Uvidom u priloženu dokumentaciju, nesporno je da je izabrani ponuđač ponudio ekonomski najpovoljniju ponudu.

Iz navedenih razloga, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

M. P.

Direktor:

Prim. Sokolović – Begić dr. Suzana

Dostaviti:

- Ponuđaču: MILJEVINA d.o.o. Foča
- Ponuđaču: HARMELI d.o.o. Banovići
- a/a